

## *Bases selección persoal Programa PIEL 2018 da Deputación Provincial.-*

### Obxecto:

O obxecto desta convocatoria é cubrir, mediante concurso 15 prazas de operarios/as (un posto reservado á minusvalía) ao abeiro do Programa de integración laboral mediante a execución de obras e servizos mínimos municipais nos concellos da provincia de A Coruña de menos de 20 000 habitantes para o ano 2018, cofinanciado pola Deputación da Coruña (BOP núm. 41. do 28/02/2018).

A contratación realizarase a través da modalidade de contrato de duración determinada por obra ou servizo, a tempo parcial. A duración da obra ou servizo será de 2 meses.

As vacacións e o horario, que poderá ser partido en xornada de mañá e tarde, e de luns a domingo, adaptaranse ás necesidades do servizo.

### Requisitos:

- Ser español/a ou nacional dalgún dos países da UE ou nacional doutros estados con convenio coa UE que sexa de aplicación. Tamén poderán participar os cónxuxes dos españois e dos nacionais doutros estados membros da UE ou dos nacionais doutros estados con convenio que sexa aplicable ao respecto.
- Estar inscritas no SEPE como persoas desempregadas

Deberán cumprir ademais algún dos seguintes requisitos:

- Persoas maiores de 45 anos desempregadas.
- Persoas que vivan nun fogar onde ningunha teña emprego (comprobarase a través de certificado de empadramento e certificado SPE e informes dos servizos municipais.)
- Persoas en fogar monoparental/monomarental (comprobarase co certificado de empadramento, certificado ou informes dos servizos públicos)
- Persoas vítimas de violencia de xénero.
- Persoas con discapacidade (aportará certificado de minusvalía)

### Presentación de instancias:

1. Nas oficinas municipais ou a través da Sede electrónica da páxina web municipal, antes das 13.00 h. no primeiro caso, do día 18 de xuño de 2018, e das 24.00 h. do mesmo día na Sede electrónica.

As instancias irán acompañadas do DNI, tarxeta de desemprego e xustificantes dos méritos alegados e dos requisitos esixidos.

Lista provisional de admitidos/as: *Día 19 de xuño*. Reclamacións ata as 12.00 h. do día 20 de xuño.

Lista definitiva e resultado da selección: *Día 21 de xuño*.

### Selección:

Efectuarese por concurso de méritos, sendo valorables os seguintes:

#### **A/ Experiencia profesional – Ata un máximo de 4 puntos**

1.- Servizos prestados como operario/a da mesma en calquera administración pública (certificado pola secretaría da mesma): **0,20 puntos/mes.**

2.- Servizos prestados como operario/a en empresa privada (xustificarse coa vida laboral da TXSS, acompañando certificado de empresa no que conste claramente a categoría laboral e período e sinatura de contratación). A non presentación de ambos documentos suporá a non valoración do mérito alegado.: **0,10 puntos/mes.**

#### **B/ Cursos – Ata un máximo de 4 puntos**

Por ter rematado favorablemente programa de capacitación, formación e integración laboral programados por AAPP: **0,5 puntos** por programa ata un máximo de **2 puntos.**

Cursos relacionados coa actividade e tarefas do posto de traballo, impartidos polas AAPP ou homologados por estas:

- De menos de 20 h: **0,10 puntos por curso.**
- Entre 21 e 50 h: **0,20 puntos por curso.**
- Mais de 50 h.: **0,5 puntos por curso**

Curso de riscos laborais: **0,10 puntos por curso, por cada un con un máximo de 0,20 puntos.**

#### **C/ Carné B ou superior**

**0,05 puntos/carnet. Máximo de 0,5 puntos.**

#### Tribunal de valoración:

Estará integrado exclusivamente por persoal funcionario con titulación superior á esixida, en número non inferior a 3.

#### Lista de seleccionados/as e presentación de documentos:

Rematada a cualificación, será publicada no taboleiro de anuncios a relación puntuada das persoas seleccionadas,

No caso de empate na puntuación terán preferencia os/as aspirantes con maior puntuación do apartado A e se persiste por sorteo.

As persoas seleccionadas deberán de presentar en prazo de 1 días a partir da publicación do resultado de selección a seguinte documentación:

- Certificado médico acreditativo da súa capacidade para o traballo do que se trate, no que se fará constar que non padece enfermidade nin límite físico ou psíquico para elo.
- Certificado da conta bancaria e número de afiliación da seguridade social.
- Declaración xurada de non atoparse separado de servizo de AAPP, nin estar incurso en causas de incapacidade ou incompatibilidade

Formalizarase listaxe de reserva coas persoas que non obtiveron posto por menor puntuación.